

## Uweza wa Mungu, si Nafsi Yake

*Kwa maana namjua yeye niliyemwamini, na kusadiki ya kwamba aweza kukilinda kile nilichokiweka amana kwake hata siku ile—2 Timotheo 1:12.*

**K**wa baadhi ya watu walioshudia kifo chake cha ufa dini, moyo wa msamaha aliokuwa nao kwa wauaji wake na tumaini lake lisiloyumba kwa Kristo mpaka mwisho, lilikuwa linaashiria uzima katika uzima....

Mpaka saa ya mwisho kabisa ya uhai wake Paulo alikuwa anashuhudia ukweli wa maneno yake kwa Wakorintho, “Kwa kuwa Mungu, aliyesema, nuru itang’aa toka gizani, ndiye aliyeng’aa mioyoni mwetu, atupe nuru ya elimu ya utukufu wa Mungu katika uso wa Yesu Kristo. Lakini tuna hazina hii katika vyombo vya udongo, ili adhama kuu ya uwezo iwe ya Mungu, wala si kutoka kwetu. Pande zote twadhikika, bali hatusongwi; twaona shaka, bali hatukati tamaa; twaudhiwa, bali hatuachwi; twatupwa chini, bali hatuangamizwi; siku zote twachukua katika mwili kuuawa kwake Yesu, ili uzima wa Yesu udhihirishwe katika miili yetu” (2 Wakorintho 4:6-10).

Utoshlevu wake haukuwa ndani yake lakini katika uwepo na uwakala wa Roho wa kimbingu aliyekuwa amejaza moyo wake na hivyo kulileta kila wazo katika utii wa mapenzi ya Kristo. Nabii anasema, “Utamlinda yeye ambaye moyo wake umekutegemea Katika amani kamilifu, kwa kuwa anakutumaini” (Isaya 26:3). Amani kutoka mbinguni iliyodhihirishwa katika uso wa Paulo iliivuta mioyo mingi kuifuata Injili.

Paulo alikuwa amezungukwa na angahewa la kimbingu. Wale wote waliokuwa wamefuatana naye waliuhisi ushawishi wa muunganiko wake na Kristo. Uhakika ni kwamba maisha yake yalikuwa ni kielelezo cha ukweli aliokuwa anautangaza. Hapa ndipo nguvu ya ukweli ilipojikita. Ushawishi wa Roho Mtakatifu usiolazimishwa na unaoingia kwa watu bila wao kujijua ni hotuba yenye mvuto mkubwa inayoweza kutolewa kuunga mkono Ukristo. Hata kama zitatolewa hoja zisizo na majibu, zinaweza tu kuchochea upinzani; lakini kielelezo cha maisha ya uchaji wa Mungu kina nguvu isiyopingika kabisa.... Wakristo wachache waliofuatana naye kwenda katika eneo la kunyongea aliwahimiza kuimarisha na kutia shime kwa kuzirudia ahadi kwa wale watakaoteswa kwa ajili ya haki. Aliwahakikishia kwamba hakuna kitakachopungua katika yote aliyokuwa ameyasema Bwana kuhusiana na watoto. Wake waaminifu waliokuwa wanajaribiwa.... Muda si mrefu usiku wa majaribu na mateso ungekoma na halafu yangetokea mapambazuko ya asubuhi ya furaha yenye amani na siku kamilifu.

Mtume alikuwa akitazama makubwa yaliyokuwa mbele, si kwa mashaka au hofu lakini kwa tumaini lenye furaha na matarajio yenye shauku....

Wakiwa wamekombolewa kwa kafara ya Kristo, wameoshwa dhambi zao katika damu yake na kuvikwa kwa haki yake, ndani yake, Paulo anao ushuhuda kuwa moyo wake ni wa thamani mbele za Mwokozi  
(Matendo ya Mitume, seh. 2, uk. 184–187).